



যবিপ্রবির ৩ ছাত্রকে দুই বছর বহিষ্কার

প্রকাশিত: ১১ - নভেম্বর, ২০১৮ ১২:০০ এ. এম.

স্টাফ রিপোর্টার, যশোর অফিস ॥ বিশ^বিদ্যালয়ের শিক্ষা কার্যক্রমে বিঘ^ সৃষ্টি করায় শান্তি-শৃঙ্খলা রক্ষাসহ শিক্ষার সুষ্ঠু পরিবেশ বজায় রাখতে যশোর বিজ্ঞান ও প্রযুক্তি বিশ^বিদ্যালয়ের (যবিপ্রবি) তিন ছাত্রকে সকল একাডেমিক কার্যক্রম থেকে দুই বছরের বহিষ্কার করা হয়েছে। একইসঙ্গে ওই তিন ছাত্র বিশ^বিদ্যালয় ক্যাম্পাসে অবস্থান করতে পারবে না বলেও সিদ্ধান্ত গৃহীত হয়েছে। শনিবার দুপুরে বিশ^বিদ্যালয়ের প্রশাসনিক ভবনের সম্মেলন কক্ষে যবিপ্রবির সর্বোচ্চ নীতি-নির্ধারণী ফোরাম রিজেন্ট বোর্ডের ৫১তম সভায় এই তিন ছাত্রকে বহিষ্কারের সিদ্ধান্ত নেয়া হয়।

বহিষ্কৃত ছাত্ররা হলো- পুষ্টি ও খাদ্য প্রযুক্তি (এনএফটি) বিভাগের মাস্টার্সের শিক্ষার্থী গোলাম রাব্বানী, শারীরিক শিক্ষা ও ক্রীড়া বিজ্ঞান (পিইএসএস) বিভাগের প্রথম বর্ষের শিক্ষার্থী অন্তর দে শুভ (রোল : ১৭১২১৬) এবং ফিশারিজ এ্যান্ড মেরিন বায়োসায়েন্স (এফএমবি) বিভাগের দ্বিতীয় বর্ষের শিক্ষার্থী ইসমে আজম শুভ (রোল: ১৬০৪২০)। গত ১৩ অক্টোবর পিইএসএস বিভাগের ১ম বর্ষের ২য় সেমিস্টারের পরীক্ষাকে কেন্দ্র করে সংঘটিত ঘটনার প্রেক্ষিতে গঠিত তদন্ত কমিটির প্রতিবেদন পাওয়ার পর, গত ২৩ অক্টোবর যশোর বিজ্ঞান ও প্রযুক্তি বিশ^বিদ্যালয় আইন-২০০১ এ অর্পিত ক্ষমতাবলে যবিপ্রবির দুজন ছাত্রকে সাময়িকভাবে বহিষ্কার করেছিলেন। রিজেন্ট বোর্ডে পরবর্তী সিদ্ধান্তের জন্য পেশ করা হলে ওই দুজনসহ প্রত্যক্ষ সহযোগিতা ও মদদ দেয়ায় পুষ্টি ও খাদ্য প্রযুক্তি (এনএফটি) বিভাগের মাস্টার্সের শিক্ষার্থী গোলাম রাব্বানীকেও দুই বছর বহিষ্কারের সিদ্ধান্ত নেয়া হয়। যবিপ্রবির উপাচার্য ও রিজেন্ট বোর্ডের সভাপতি অধ্যাপক ড. মোঃ আনোয়ার হোসেনের সভাপতিত্বে সভায় উপস্থিত ছিলেন বিশ^বিদ্যালয়ের কোষাধ্যক্ষ অধ্যাপক শেখ আবুল হোসেন, সংসদ সদস্য স্বপন ভট্টাচার্য, শিক্ষা মন্ত্রণালয়ের অতিরিক্ত সচিব (বিশ^বিদ্যালয়) মোঃ আবদুল্লাহ আল হাসান চৌধুরী ও জাবেদ আহমেদ (মাধ্যমিক-২), যশোর আঞ্চলিক কৃষি গবেষণা ইনস্টিটিউটের প্রধান বৈজ্ঞানিক কর্মকর্তা ড. মোঃ সিরাজুল ইসলাম, জাহাঙ্গীরনগর বিশ্ববিদ্যালয়ের রসায়ন বিভাগের অধ্যাপক ড. শরীফ এনামুল কবীর, ইব্রাহীম কার্ডিয়াক হাসপাতাল এ্যান্ড রিসার্চ ইনস্টিটিউটের প্রধান নির্বাহী কর্মকর্তা অধ্যাপক ডাঃ মোঃ আব্দুর রশীদ, যবিপ্রবির জীব বিজ্ঞান ও প্রযুক্তি অনুষদের ডিন ড. কিশোর মজুমদার প্রমুখ।

সম্পাদক, মুদ্রাকর ও প্রকাশক: মোহাম্মদ আতিকউল্লাহ খান মাসুদ (এম এ খান মাসুদ), উপদেষ্টা সম্পাদক: তোয়াব খান, নির্বাহী সম্পাদক: স্বদেশ রায়। সম্পাদক কতক গ্লোব জনকণ্ঠ শিল্প পরিবার-এর সদস্য প্রতিষ্ঠান যথাক্রমে গ্লোব প্রিন্টার্স লি: ও জনকণ্ঠ লি: থেকে মুদ্রিত ও প্রকাশিত। রেজি: নং ডিএ ৭৯৬। কার্যালয়: জনকণ্ঠ ভবন, ২৪/এ রাশেদ খান মেনন সড়ক, নিউ ইন্সটান, জিপিও বাস্র: ৩৩৮০, ঢাকা, ফোন: ৯৩৪৭৭৮০-৯৯ (অটোহান্ডিং ২০ টি লাইন), ফ্যাক্স: ৯৩৫১৩১৭, ৮৩১৬৩৩৫, ই-মেইল: janakanthanews@gmail.com ওয়েবসাইট: www.dailyjanakantha.com এবং www.edailyjanakantha.com ॥ Copyright © All rights reserved by dailyjanakantha.com